



TOPPHIYEE MALLETEE NOONOO

Dojjechi Yaabo

Guttinnee Kimo

Biichito Dojj:

- » Girumnesh Taamiru

Ciinii Tachito:

- » Dojj: Mulugeeta Kaasawi

Ibaariyeechino :

D/no Akiliilu Alemi,

- » D/no Tefaye W/Yohaaniisi

Diizayinari:

- » Dn. Siisaayi Taagassa



Toppihyee Federaalaawe Dimokiraasee Iriippibelike Doyee Ministteero

KICHOO

Koorice baqqoochi ubbee biriyoo	iii
HAAROO IKKOO	
NO DOYEE KUXINA'O.....	1
HAAROO GUTTO	
BECHEE BUNGOON SHUNNO.....	3
HAAROO KEEMO	
TAACH ECHO BEETE.....	5
HAAROO AWUDDO	
KAAYO.....	7
HAAROO UUCHOO	
KECHI MAACI GAACHE QIICEENA'O.....	9
SHAAROO SHIRITTOO	
DOYEE DECO.....	11
SHABAATTINNEE HAAROO	
TA CEELLE KOMADEENA'O.....	13
HAAROO SHIMITTOO	
TA SHUNNAABEETI MOOYINA'O.....	15
HAAROO YIIXIYOO	
SUUQEE MAAC AMO BEETE.....	17
HAAROO AASHIROO	
TAHEENA'O.....	19
HAAROO AARAA IKKO	
TIRANISPOORITEE YAREENA'O.....	21
HAAROO AARAA GUTTOO	
OOGEE NACCE HARESHOO.....	13
HAAROO AARAA KEEMO	
BAAREENA'O.....	25

Koorice baqqoochi ubbee biriyoo

Mallettee noonee doyechi doyee koorico ikke maacheti kimooch dojjee koorico tune bi giddebeeti qoodooch doyechoch wullee dojjee koorico tune giddo hakkiye. Doyechi koorico doyoona gawaatooch deggimmi qico tunebaani, bi qelloona doyee tooco tune bi qayo arichetone. Mallettee noonee dojjechi-na' o ebin ariyee doyee koorice daggooch giddeti baqqeenaon baribare gommona uumiyoo boonoshin qaawiihe.

Ebiye damda guddeti mooyina' on indo tuniita Topphiye guttinnee kime mallettee noonee dojee koorico qannite. Qannayee goorooch dabbi icheti mooyina' o mull beshiita digeneeteete.

1. Ebi kimooch giddeti doyee shimboona tookki mashaamo hakkimmi sheqqe doyee baqqeena' o gid-dettete.
2. Doyee kuxina' o boono qelliqelloona shichoonaa mallettee noonona degiitaa giddeteete. Hini koorice daggooch giddeti shicheena' o ubba doyee shalligeena' on gamichibeete getaa gabe'e I shicheetina' one. Ebichi hinnoona ello hakkaani doyechina' o wodde gaaco daneemina' one getaa gabeete. Doyechina' o koorice daggooch giddeti shicheena' on ciinibe boono ariyoon ciinibe wochi wochi herechebee boono iiqqoonaa hakkoonon umiibee shalligoo boono gamichiyeemmocho gaacciye.
3. Bi qelliqelloona hareenaoch qanniti echeenaoch baribare mallettee noonee hakkoon woyee iiqqoon kupphiyoo hakkiyeete getaa bi haarihaaroonaa bi qeddoonaa bi oogishoonaa baibare menne kuxina' on yechiti gawaateena' ona keemo woyee awudde doyichee hinneena' o qanniteete. Tunebaani boono doyee shimbe shaahoonaa oogishoonaa wodde echeena' o qannito tunebaani dojjechina' o doyechiaochi doyee dabboon indo tunii qaaweemmi tachho gedibee doyoona qaaweeti gommona tooco quyeehe.
4. Ikkikke doyee shimbooch icheti kimooch mashaamiyeete getaa gabeeti mallettee noonee miheenao beeteete. Kette minnakanneena' on kococh hakkiyeete getaa gabeete. Ebi mallettee noonee miheenaa' on indoo tuniitaa doyechinao boono daqq daqqoonaa minnakanno boono kocceemmocho shaahiyoona degiitaa echeena' o giddeteete. Tunebaani ebichi hinnoona giddeti echeena' o doyechina' o boono qiiccoona ketteminnakannoon mallettee noonona boonosh halliyeemmocho bi gaaciiibeeti qoodooch doyichee hinnoona giddeti echeena' on baach beddiyeete getaa gibeniyaacheete. Ebin dojjechi-na' o ebin digenereesh baribare echeena' on daakkiyee doyechina' o herecheemmonaa mallettee noonee ariyoon boono kupphiyeemmocho booyeeheete.
5. Ebiye damba icheti doyee kayeena' o mashaamiti gommona giddete iya no gibenaabeetoch mallettee noonee dojjechina' o ebin indoo tuniye boonoshi dojje yawoon beddaaha daakkibe hini mallettee noonon beshoon shuunee tommooch heechiyoo boonoshi wane quyeehe.

Ebichi hillooch mallettee noonee dojjecho aabichi bi shuuraareemmogaata malletetton.

MALLETEE NOONEE DOJJECHOCI SHUURAAREE YAWO

Ubba dojjechina' o boono dojjiibeeti mallettee noonee doyoona ebi doyoona tookki hammiibeeti ariyee-na' onon ikkochiye doyee gaboo toocooch shakkiyoona kupphe mallettee noonee ariyeechi doyechina' onon uumiyee indinde moyina' on shiichi gaboo boonoshin qaawiihe.

Ebich mallettee noonee doyee gaboo qaaweeti boochoonaa toocooch bi shaggeemmocho guttinnee kimooch qanniti mallettee noonee doyoona giddemmonaa dojjecho koonjoo bi immeemmocho hiniyee deshi inde mooyinaon hamaa dabboona bekkiihon.

1. QANNAYOO

Ebi kimooch qanniti mallettee noonee doyee baqqa biich icheti doyee kaalloona ciirebe getaa bi gabeetaana dojjechina' o kooricooch icheti baqqa kalloona mashaamii qoppebee genjii woyee qamichibe mallettee noonee giddiyoon tachoo boonoshin qaawiihe.

2. GIDDIYOO

Dojjechi yaabee daggooch malletee noonee baqqeena’o boono qellqelloona ame hinnoona boono giddeemogaata bireete. Tunebaani ebi dojjee yawo ubbee dojjechinao ch gogoona gaacciye getaa bi giddeti qoodooch dojjechina’o icheti giddiye yawoon dabbiiye boono qelli gaawe giddiye yawoon daakkibe beshoon kuppuyoona gaacho hakkiyeete.

3. DOYEE YAMEE QANNAYOO

Dojjechina’o natti ,yapphoo, shabaattoonaa heechi yamoon yesho bonoshin qaawiihe. No dojjiyeemmo ikkinnee kime hillooch beeti kimoon tunetoch doyoon arihoo immi shalligoona doyee qannayoo yeshaanon kuxooch gimo qaawiyaache. Ibera mooyoocha ikke dojjecho malletee noonee doyoon gaawichi ariyoo hakkiye. Tunebaani yamoonaa doyee qannayoonon yeshaanon bi giigaata bin yaabiyeemmi yamoo aalla; Maacheti gooree daggooch bi dojja bede doyoon gaawichi beshiyoo hakkaache. Ebich dojjecho tuneto koniyoonaa kuxooch bi gimooye aaf biich maacheti doyee kaallooch giddeemmi baqqoon xiishi ariyoonaa heechi qannayoonon yechi gimon digeno bin qaawiihe.

4. DOYICHOO

Bi qelli qelli doyee shimbo, doyee kuxo, boono haddoo, shaahoonaa oogishoonaa boono daqq daqqoona dicciibe hamo hakkimmi kuxinao’na doyicheena’on yechitone.

5. MULL BESHIYOO

Mull beshiye doyoon doyechona tookki bi mashaamiyeemmoch gaawe gommone. Ebi tuneti qoodooch shemmeeshoochee, shichoonaa malletee noonee miheenaooche boono daneti inde mooyina’on ebiye aaf boono ariibeeti malletee noonoonaa xibiibe boono digeneemmi gommona doyoon giddiyoo dojjechina’o waane qaaweehe.

6. DOYEE KAALLE MADEE QANNAYO

Dojjechina’o giddeti malletee noonee doyee baqqoon indo tuniibe hallona aricheti mooyina’ona xibiibe doyee shimbooch icheti doyee kaalloon mashaamiti gommona gaacho qaawiihe.

7. DOJJEE DEGEE QIICEENA’O

Dojjechina’o boono qeli qelli doyee shimbe baqqeena’on boono giddiimmona doyee shimbe shuriyoonaa mashaamimmi dojje deg qiicoon gaacho boonoshin qaawiihe. Ikkikke dojjechina’o noonee dojjooch dojje dege qiico qaawiyaachi i’ii shalligiyeete. Tunebaani gaawichaa bi shalligeegaata ikkikke doyee shimbooch dojje dege qiicoon qannayoo qaawiihe.

8. QOPPO

Abiixi kuxoochona giddeti gaboo qoppiyaanon besho qaawiyaache. Tunebaani doyee shuuraroo qoppoch giddebeeti qoppee echeena’o yameeti gabeena’on toocooch shagona shagi qayonon yechiibeeto tuno qaawiihe. Ebichi toommooch malletee noonee dojjechina’o ikkikke wulloona menne doyee kuxon boono dojjitooye gubb doyechina’o boono doyiti doyooye shuriyee shaddoon boono danoon baribare herechoona xiishoo qaawiihe.

HAAROO IKKOO

NO DOYEE KUXINA'O

Quyeebeeti daacheenao

Doyechina'o hini dooyoyee gubb :

Doyee kuchi maac daneebeeti moochi shigeena'on malletee noonona ariiheete

- » No kuxooch daneebeeti qiicenaon shigoo-naa malletee noononon gaachebee birii-heete.
- » Baribare echeena'on malletee noonona echeheete.
- » Baribare hajjiyeena'on digeneeqi wochoo immiyeete.

Sheqqe gabeena'o

Doyechina'o hini dooyoyee gubb

- » Doyee kuchi maac daneebeeti moochi shigeenaon malletee noonona ariiheete
- » Doyee kuchi maac beeti mooyinaochi shigoon malletee noonona gaacheeqi malletee noonona biriyoo hakkiyeete.
- » Doyee kuchi maac beeti qiiceena'ona boono shigoonon malletee noonoo gaacheeqi echo hakkiyeete.
- » Doyee kuchi maac beeti mooyina'on beegimmi gommona hajjiyoon dabbiiqi malletee noonona wochoon imo hakkiyeete.

Malletee noonee baqqeenao

Qayoonaa Duubona

Doyee kuchi maac beeti mooyina'ochi shigoon malletee noonona biriyoo

- » Hini amoone?
- » Okkebi amoone?
- » Hini ----- ne.
- » Hinoshi ameena'one?
- » Okkeboshi ameenaone?
- » Eboshi-----na'one.
- » Okkeboshi-----na'one.
- » -----t ne?
- » Kette echeena'on echo.

Shaahiyyoo

- » Ne kooricoon qechib.
- » Ne koppon bekkiib.
- » Aa'I madoon yesh

ICHETI DOYEE KAALLO 3

Doyee giddiyoo

- ◆ Doyee shimboon aa'I madooch kooroo.
- ◆ Doyechina'o kuchi maac beeti moochi shigoon malletee noonona boono biriimmona boono digeneemmo tuniyoo.
- ◆ Doyechina'o dooyee kuchi maac beeti mooyina'ochi shichoon malletee noonona boono xibiyeemmo shiichi shaahiyyoon wochi wochi bekkiiyoo.

- ◆ Baribare doychina’oñ dojjecho kette echoon echehe.
- ◆ Dojjecho doychina’o echebeeti echoon malletee noonona boono echeemmooh kuphiyoo.
- ◆ Doyechina’o boono dojjecho echeti echoon boono digenetooye gubb wochoon shuune boono bekkiyeemmooh shaahiyoo immiibe kuphiyoo

DOJEE DEGE QIICO

Doyee kuchi maac beeti mooyina’oñ biriibeetina woyee bekkiibeetina’o

- » Shichoo
- » Filaash kaarido
- » Malletoo
- » Topphiye malletee noonee mihee kicoon shiichi qannayoona tate gooroonaa xaaoo-na gaacho.

QOPPOO

- ◆ Doyee kuchi maac beeti mooyina’ochi shigeena’oñ malletee noonona boono ariyoon doychina’oñ echebee xiisho.
- ◆ Doyee kuchi maac beeti mooyinaochi shigoon malletee noonona boono gaachoonaa biriyoona xiishooch kette echee gididiibe qoppo.
- ◆ Doyechina’o kuchi maac beeti mooyinaochi shigoon gaacheeqqi malletee noonona boono echoon digeno.
- ◆ Doyechina’o kuchi maac beeti mooyinaon ciinnimmi gommona boono echeemmi echoon malletee noonon gaacheeqqi tate wochoon boono imi hakkoon echoona qoppo.

WOCHOO

IKKINNEE DOYICHOO

1. Kishee kojjo
2. Koorico
3. Koppoo
4. Godo
5. A’ai madoo

GUTTINNEE DOYICHOO

1. B
2. A
3. D
4. E
5. C

HAAROO GUTTO

BECHEE BUNGOON SHUNNO

Quyeebeeti mooyina'o

- » Doyechina'o hini doyooyee gubb ittoshi kitaamitooch beeti becheena'onnaa bechee bungee yareenaonon sheqqee'I boono shigoon mallettee noonona biriyoo hakkiyeete. Biriye miheenaon gaacheebe mallettee noonona minnakanno shuune gaacho hakkiyeete.

SHEQQE GABEENA'O

Doyechina'o hini doyooyee gubb:

- » Shichoo ciinni boono digeneti baribare becheena'onna bechee bungee yareena'on sheqqeeqqi boono shigoon mallettee noonona biriyoo hakkiyeete.
- » Becheena'onnaa bechee bungee yareena'onon gaacheebe awudde miheena'onna shuuneeti minnakanneena'on shemmee digeno hakkiyeete.

BAQQO:

Qayoonaa duubona

- ◆ Becheenaonaa bechee bungee yareenaonon sheqqeeqqi boono shigoon tate gommona gaacho.

Shaahiyoo

Bechee bungoo, Ooge bechoo, Wollo, Moccoo, Shaano, Kaarooto, Ceelle cammo, Salaaxoo, ciido, Qomboo, Tsigeredoo, Keelloo, Suufo

- ◆ Becheena'onna bechee bungee yareena'onon biriyee miheena'on gaacheebe kette minnakanneena'on mallettee noonona shuuneb.

Shaahiyoo:

- » Ta tsigeredee bechee bungoo shunno.
- » Moccoo oogichh imirikkiye.
- » Bullee aaboon shaano mamo taan imirikkiye.
- » Suufee bechee bungoo oogichii imirikkiye.

ICHETI DOYEE KAALL 3

DOYEE GIDDIYO

- ◆ Doyee shimbboon aa'I madooch kooroo.
- ◆ Doyechina'o ebiyee aaf boono ariibeeti bari bare becheena'onnaa bechee bungee yareena'onon mallettee noonona boono biriyeemmmoch echo.
- ◆ Doyechina'o baribare becheena'onnaa bechee bungee yareena'onon mallet noonona boono dojjechina'o biriimmona boono digeneemmo tuniyoo.
- ◆ Doyechina'o baribare becheena'onna bechee bungee shicheena'on mallettee noonona xibiibe biishoon boono ariyeemmo herechiyo.
- ◆ Doyechina'o guttooche awuddooch beddaaha beeti miheena'on yechiti bechoonaa bechee bungee shichoonon mallettee noonona xibiibe minnaakanno boono shuuneemmo shaahiyoo immiibe herechiyo.

- ◆ Doyechina’o mihee biriyoon gachebee minnaa kannoon malletee noonona shuuno boono hakkiyeemmoch shiichii’I tunti shaahiyoon immiibe herechiyo.

DOJEE DEGEE QICO

- » Dojecho kitaamitooch danemmi kette becheena’onaa bechee bungee shaahee na’on kuxooch yechii gimo.
- » Shichoo.
- » Filaash kaarido.
- » Malletee noonee mihee kicoo.

QOPPOO

- ◆ Doyechina’on bari bare becheena’onaa bechee bungee shicheenonon ciinichi biishoon malletee nonona boono ariyoon echoona xiisho.
- ◆ Doyechina’o awudde malletee noonona halleeti minnaa kanneena’ochi biishoon shemmee’I digeno boono hakkoon kaallkaalloona echeebe xiishoo.
- ◆ Doyechina’o biriyee mihoon gaachee’I minnaa kannoon malletee noonona boono kocon qoppo.

HAAROO KEEMO

TAACH ECHO BEETE

QUYEEBEETI DAACHEENA'O

- » Doyechina'o hini doyooyee hillooch echooch gaaccimmi miheena'on malletee noonona barii ariiheete . ebi echee miheena'on digeneechi kuchi maacooch , boono beemi kexonaa boono kitaamitoonoch bulli aaboon malletee noonona gaacho hakkiyeete.

SHEQQE GABEENA'O

Doyechinao hini doyooyee gubb

- » Echee miheena'on gaachona shuuneeti minnaakanneena'on shemmee digeneheete.
- » Echee miheena'on malletee noonona gaachebee echee minnaakanneena'on shuuno hakkiyeete.
- » Echee hinnoona giddeti minnaakanneena'on digeneechi wochoon malletee noonona wochoo hakkiyeete.

BAQQO:

Quorndon Duubona

- ◆ Echee malleteena'on malletee noonona tate gommona gaacho.

Shaahiyoo

koni , aabiich, aatooba, amo, amooyich, aabichena, amoone,

Ne shigo kone?

A mooched waanne? Amooniye ne shunnaabeeto?

Ne kexo aabiichiye? Hini amoone?

- ◆ Malletee noonona giddeti echeena'on tate gommona digeneechi tate wochoon imo.

Shaahiyoo

- » Hini ta doyee kexone.
- » Ta shigo-----ne.
- » Ta shunnaabeeto koorice shemmoone.
- » Ta kexo wohoochiye.
- » Ta kexoochee waaho
- » Hini malletee noonee kooricoone.

Icheti doyee kaallo 3

Doyee giddiyoo:

- ◆ Doyee shimboon aa'I madooch kooroo
- ◆ Doyechina'o ebiye aaf malletee noonona boono ariibeeti echeena'on boono nuuchee-na'ochi boono bekkieemmooch kupphiyoo.
- ◆ Dojjecho hini doyee kuxon dojjooch qanniti echoon echooyich no gaachaabeeti eche yareena'on malletee noonona wochi wochi doyechinaoch bekkiyoo.
- ◆ Dojjecho hini doyee kuxon dojjooch qanniti echoon echooyich qannit echeena'o daggoоче ikkikkoon shaahiyooch gaachebe doyechinaoch malletee noonona echoon aabichi echo hakkeemmo gaata bekkiyoo.
- ◆ Dojjecho giddiiti shaahiyoon indo tuniye doyecho kimoocha bi nuuchoona tookkish echoon echoona wochoon imona boono herechoommoch kupphiyoo.

- ◆ Dojjecho giisheche echoon gididiyoona doyechina’o boono wochiyeemmo tuniibe boono doyiti doyoon boono uumiyeemmo tuniyoo.
- ◆ Doyechina’o boono koorice toommooch giddeeti doyicheena’o meeqqeqqoona boono shuuneemmo kupphiyoona wochee imona.

DOJEE DEGEE QIICO

- » Shichoo
- » Filaash kaariddo
- » Mallettee noonee mihe kicoo.

QOPPOO

- » Doyechinao mallettee noonoon gaachoona tatoona echoon eche boono hakkoon echee xiisho.

- » Doyechuna’o mallettee noonoon giddeeti echeena’o digeneechi mallettee noonoon wochoo boono imi hakkoon qoppo.
- » Baribare echee shaaheena’o indo tuniibe doyechina’o mallettee noonoon boono shaligoon boono biriye hakkoon digeno.

WOCHOO

GUTTINNEE DOYICHOO

1. B
2. D
3. A
4. C

HAAROO AWUDDO

KAAYO

QUYEEBEETI DAACHEENA'O

- » Doyechina'o hini doyooyee gubb niyoon shaawujjiibeeti miheena'on malletee noonona bariiqqi ariiheete. Ebi niyoon shaawujjiibeeti miheena'on gaawichi digeneree boono kimoona beemi kexonooch tuneba woyee boono ubbi aabe shuunee toommooch malletee noonona gaacho hakkiyeete

SHEQQE GABEENA'O

Doyechina'o hini doyooyee gubb:

- » Niyoon shaawujjiibeeti mihoon gaachee'I malletee noonona shuuneeti minnakanneena'on shemmee digeno hakkiyeete.
- » Tate gommona shaawujjiibeeti mihoon gaacheebe malletee noonona digeno hakkiyeete.
- » Tate gommona shaawujjiibeeti mihoon gaacheebe echoon gidditoona wochoonon hakkiyeete.

BAQQO :

Qayoonaa duubona

- ◆ Tate shaawujjee miheena'on malletee noonona shaaha gommona gaacho.

Shaahiyoo:

Imiroo, miico, ayinoo, eefo, shaaco, miyo, kayo, qemo, woco

- ◆ Niyoon shaawujjiibeeti mihoon malletee noonona mashaamimmi gommona digeneechi giddeti echooch wocho imbot.

Shaahiyoo:

- » No imirimmona kaachehon.
- » No shaacemmona eeppehon.
- » No taahimmona tokketehon.
- » Nooch gondemmona ayiniyon .
- » Kooricee shemmo taan imirikkiye.

Icheti doyee kaallo 3

DOYEE GIDDIYOO

- ◆ Qanniti doyee shimboon aa'I madooch kooroo.
- ◆ Doyechina'o ebiyee aaf boono ariibeeti kaayina'on malletee noonona boono biriyeemmooh kupphiyoo.
- ◆ Niyoon biriimmi miho geto amo geto gaata malletee noonona biriyoo.
- ◆ Guttoochee awuddooch shaggimmi malletee noonee mihoona minnaa kanno shuunee beekiichi doyechina'o shuuneemmooh kupphiyoo.
- ◆ Bari bare niyoon beekiimmi mihoon gaachee malletee noonona koceeti minnaa kannoon shaahiyee hinnoona boono gaacheemmooh wochii wochii herechiyoo.
- ◆ Doyechi kooricooch giddeti doyichoon doyechina'o mashaamiti gommona shuuneemmo tuniyoo.

DOJEE DEGEE QIICO

- » SIchoo.
- » Filaash kaariddo.
- » Mallettee noonee mihee kicoo.

QOPPOO

- ◆ Doyechina'on shichooch boono ciiniti bari bare niyoon bekkimmi mihee shaawujj-enaachi biishoon tatoona mallettee noonona boono ariyoon echeebee xiishoo.

- ◆ Doyechinaon awude mallettee noonoo mihoon yechiti minnakanneena'on shemmee boono digenoon kalli kaalloona echeebe xiishoo.
- ◆ Doyechina'o baribare niye shaawujjee miheena'on gaachebe mallettee noonona boono shuunoona gaache hakkoonon qoppo.

HAAROO UUCHOO

KECHI MAACI GAACHE QIICEENA'O

QUYEEBEETI DAACHEENA'O

Doyechina'o hini doyooyee gubb kechi maac beeti gaache qiiceena'ochi kechi maac beeti gaache qiiceena'ochi biishoonaa gaache yawee-na'onon malletee noonona baribarii'I ariiheete. Ebichi toommooch nooch beetone aalla, beetowa, gubbich beeyeemmone gettebeeti miheena'on malletee noonona gaacheebe minnaakanno shuuno hakkiyeete. Haddeena'on malletee noonon gaacheebe kuchi daggoona boono beemi kechi daggooch beeti halleebeeti mooyina'on malletee noonona gaacho hakkiyeete.

SHEQQE GABEENA'O

Doyechina'o hini doyooyee gubb:

- » Kechi maac beeti gaache qiiceena'on boono biishoonaa gaacoonon malletee noonona digeno hakkiyeete.
- » Kechi maac beeti gaache qiiceena'on indo tunii'I malletee noonona minnakannoon shuuno hakkiyeete.
- » Nooch beete ,aalla,beetone, gubbich beeyeemmone i'ii beeti mihheena'on malletee noonona digeneechi tate gommona minnaakannoon shuuneebe wochoo hakkiyeete.

BAQQO:

Duubonaa Qayoona

- ◆ Kechi maac beeti gaache qiiceena'on malletee noonona tate gommona gaacho.

Shaahiyoo

Soofoo, televizhiino, gabbero, qeeno, xarappgabberoheezo, koorice kicee xaa'oo footogiraafu ,tiinjjaro, shukko, maankkoo,bunee qoondoo

- ◆ Malletee noonona giddeti kechi maaci qiiceena'on tate gommona digeneechi maashaamiti wochee imo.

Shaahiyoo:

- » Noochi qeeno beete.
- » Nooch televizhiino aalloone.
- » Xarappheezo ebiye aaf nooch beetone.
- » Koorice kicee xaa'oo nooch gubb beeyeemmone.

Icheti doyee kaallo 3

DOYEE GIDDIYOO:

- ◆ Doyechina'o kechi maac beeti gaache qiiceena'on malletee noonona biriyoo boono hak-koon giisheche echoon echebe boono diggeneemmo tuniyoo.
- ◆ Kechi maac beeti gaache qiiceena'on bekkibeeti shicheena'on malletee noonona xibiibe doychina'o gaacheemmoch herechyoo.
- ◆ Guttooche awuddooch beddimmi malletee noonee miheena'on yechiti minnakanneena'on shemmebee boono biishoonaa gaacoonon doychina'ochi wochi wochi bekkiibe giddeti echeena'on ebi gommona boono digeneemmo tuniyoo.

- ◆ Guttooche awuddooch beddimmi malletee noonee miheena'oon yechiti minnakanneena'oon shaahiyoona bekkiibe doyechina'o shaahe minnakannoon shuunebe boono gaacheemmoch herechiyo.

DOOJEE GAACHE QIICO

- » Kechi maaci gaache qiiceena'o
- » Shichoo
- » Filaash kaarddo
- » Malletee noonee mihee kicoo

QOPPO

- ◆ Doyechina'o shichooch boono ciiniti kechi maaci gaache qiiceena'ochi biishoon malletee noonona boono ariyoon echeebe xiishoo.
- ◆ Doyechina'o awudde malletee noonee miheena'oon yechiti minnakanneena'oon ciinni boono digenoon kaall kaalloona echeebe xiishoo.

- ◆ Doyechina'o kechi maac beeti gaache qiiceena'oon gaachebe malletee noonona minnakanne shuune boono hakkoon qoppo.

- ◆ Nooch beete ,aalla, ebiye aaf beetone, gubbich beeyeemmone immi miheena'oon

Malletee noonona digeneebe minnakanneena'oon shuune boono hakkoon qoppo.

WOCHOO

IKKINNEE DOYICHOO

1. A
2. B.
3. C
4. E
5. D

HAAROO SHIRITTOO

DOYEE DECO

Quyeebeeti daacheena'o

- » Doyechina'o hini doyooyee gubb decinaochi shigoonaa qiemi qemona halleebeeti shuuneena'onon malletee noonona biriyoo hakkiyeete. Ebiye wotta shuuneebeeti shuuneena'on bekkibeeti uuche miho yechiti minnakanneena'on mallet noonona shuunona gaachoonon hakkiyeete.

SHEQQE BAQQEENA'O

Doyechina'o hini doyooyee gubb :

- » Shichooche ciinni boono digenetic decina'ochi shigoon malletee noonona biriyoo hakkiyeete.
- » Decinaochi shigeena'onaa qemi qemona halleebeeti shuuneebeeti shuuneena' on indo tuniyoona malletee noonona kocheti awuddee mihechi minnaa kannochi biishoon digeno hakkiyeete.
- » Gawaatoon biriimmi mihoon gaachee'I malletee noonona minnaa kannoon shemmeebee ciinni digeno hakkiyeete.

BAQQO

DuubonaaQayoona

- ◆ Shabaatte qemina'ochi shigoon mallet noonona gaacho.

Shaahiyoo:

Tachayoo ,Takkayoo, Aakkeroo, Addaamoo, michire'o, Bushaasambetoo, oogishambetoo.

- ◆ Shabaatte qemina'on indo tuniitaa gawaatoon biriimmi mihoon yechiti minnaa kannoon malletee noonona koconaa gaachoonaa.

Shaahiyoo:

- » Tachayoo doyee decone.
- » Takkayoona esporto shuuneemmo no one.
- » Bushaa shmbetoo kashee gooroone.
- » Oogi shambetee aaboon xiboon echehon.

Icheti doyee kaallo 3

DOYEE GIDDIYOO

- ◆ Doyoo kottooye shiichi heechi doyee shimboon aa'I madooch kooroonaa biriyoonaa.
- ◆ Doyechina' o ebiyee aaf boono doyiton echoona shalligichoo.
- ◆ Doyechina'ochi koricooch sheqqeeti sabaatte qemina'on malletee noonona doyechina'och wochi wochi bekkiyoo.
- ◆ Shaahiye hinnoona doyechina'o shabaatte qemina'on malletee noonona kuchi maacena gutti gutteeyee herecho boono geddeemmoch kuphiyoo.
- ◆ Doyechina'o guttoochee awuddooch shaggimmi malletee noonee miheena'on yechiti minnaakannoon shemme boono digeneemmoch herechiyoo.
- ◆ Doyechina'o shabaatte qemina'on inddo tunii gawaatoon biriimmi malletee noonee miheena'on gaachebee minnaa kannoon shuuno boono hakkiyeemmoch herechiyoo.

Dojee gaache qiico

- » Shichoo
- » Filaash kaariddo
- » Mallettee noonee mihee kicoo

QOPPO

- ◆ Doyechina’on shabaatte qemi shigeena’on mallettee noonona tachii boono ariyoon echoona xiishoo.

- ◆ Doyechina’on qemi qemona boono shuunee-beeti shuuneena’on indo tuniiti mallettee noonee miheena’on gaachee’I minnakanno shemmee boono digenoon echeebbe qoppo.
- ◆ Doyechina’on gawaatoon biriimmi mallettee noonee miheena’on gaachee’I minnakanne shuune boono hakkoon xiishoo.

HAAROO SHABAATTOO

TA CEELLE KOMADEENA'O

Quyeebeeti daacheena'o

- » Doyechinao hini doyooyee gubb, qaxereenaanaa haddeena'onon malletee noonoon gaacheebe ihaatoonaa boono shalligoonon biriyoo hakkiyeete. Woddoonaa shaahoonon kerimmi uuche malletee noonee miheena'on gaacheebe minnakanneena'on shuunee kuchi daggoonaa beemi kexonooch qemi qemona shuunee toommooch tachi gaachoo hakkiyeete.

Sheqqe gabeena'o

Doyechina'o hini doyooyee gubb :

- » Qaxereena'anaa haddeena'onon indo tunni'I malletee noonona halleeti minnakanneena'on shemmee digeno hakkiyeete.
- » Qaxereenaanaa haddeena'onon indo tunni'I malletee noonona minnakanno halloo hakkiyeete.
- » Haddoonaa shaahoonon bekkibeeti malletee noonee miheena'on gaacheebe echoon echoonaa tate wochoo imon hakkiyeete.

BAQQO

Qayoonaa duubona

- ◆ Qaxereena'ana haddeena'onon malletee noonona tachi gaacho.

Shaahiyoo:

Cello, Aa'o, Mocero, Naccoo, Buneeno, Ikkoo, Guttoo, Keemo, Uuchoo...
dab malletenoona giddeeti qaxereena'onaa haddeena'onon tate gommona digeneebe mashaamimmi wochoon imo.

Shaahiyoo:

- » Ambiche ceelle komadeena'o neech beeteete?
- » Gutte ceelle komadeena'o teach beeteete.
- » Am shaaha kojjoone ne shunnaabeeto?
- » Aa'I kojjooniye ta shunnaabeeto

Icheti doyee kaallo 3

Doyee giddiyoo

- ◆ Heechi doyee shimboon aa'I madooch kooriichi doyoon qamini gommona biriyoon doychina'och giddiyoo.
- ◆ Baribare qaxere shaahena'on doychina'och bekkibe ebi qaxereenanaon malletee noonona ebiye aaf boono ariyoon digeno.
- ◆ Doyechina'ochi batti batti malletee noonee ariyoon indo tunni'I heechi doyooyee tachoon bi qaawiimmo tunegaata tachoon imo.
- ◆ Qaxereena'on, haddeenaanaa, miheena'on bekkibeeti shicheena'on malletee noonona xibiibe boono gaacheemmoch shaahiyoo bekkiyoonaa doychina'o hini doychoon boono herecheemmo tuniyoo.

- ◆ Doyechina’o guttooche awuddooch beddimmi meetonaa shaahoonon biriibeeti malletee noonee miheenna’o minnaakannoon shemme digene boono getteemmoch herechiyoo.
- ◆ Guttoochee awuddooch shaggimmi wodditinoonaa shaahoonon bekkimmi malletee noonee miheenna’o gaacheeyee minnaakannon koco boono hakkiyeemmoch herechiyoonaa dojjechi koricooch giddeeti doyichoon boono shuunemmo tuniyoo.

DOJEE DEGEE QIICO

- » Sichoo.
- » Filaash kaariddo.
- » Malletee noonee mihee kicoo.

QOPPOO

- ◆ Doyechina’o shichooch boono ciinniti bari bare woddoonaa qeddoonon biriimmi malletee noonee mihoochi biishoon echeebbe xiishoo.

- ◆ Doyechina’o guttoochee awuddooch shaggimmi woddoonaa qeddoonon biriimmi malletee noonee miheenna’o gaacheeree koceti minnaakanneena’o shemme boono hakkoon echeebbe xiishoo.
- ◆ Doyechina’o guttoochee awuddooch shaggimmi woddoonaa qeddoonon biriimmi malletee noonee miheenna’o gaacheree minnaakannon koco boono hakkoon qoppo.

WOCHOO

IKKINNEE DOYICHOO

1. D
2. A
3. E
4. B
5. C

HAAROO SHIMITTOO

TA SHUNNAABEETI MOOYINA'O

QUYEEBEETI DAACHEENA'O

- » Doyechinao hini doyooyee gubb boono kitaamitooch beeti mooyoochee boono shunniibeetona shixxiibeetonon malletee noonona ihaateyoo hakkiyeete.
- » Malletee noonee minnaakanneena'o, echeenaanaa ebina yesheti wocheenaon hallii gaacho hakkiyeete. Arooach wotta malletee noonona tunhe, tuneyaache shunno,
- » Shunaach immi beeti minnaakanneenaon shuunee gaacho hakkiyeete.

SHEQQEE GABEENA'O

Doyechina'o hini doyooyee gubb :

- » Shichooche ciinni boono digeneti bari bare boono shunniibeetona shixxiibeeti mooyina'ochi shigoon malletee noonona biriyoo hakkiyeete.
- » Awudde malletee noonee miho yechiti kette echee minnaakanneena'on shemmee digeno hakkiyeete.
- » Tunehe, tuneyaache shunno shunaach ii-beeti mihoon malletee noonona gaachee'I malletee noonona wochoo imo hakkiyeete.

BAQQO:

Qayoona Duubona

- ◆ Boono shunniibeetona shixxiibeeti mooyina'ochi shigoon malletee noonona tatee gommona gaacho.

Shaahiyoo :

Bechee bungoo, noofito, buritkaano, kaarooto, ceelle cammo, salaaxoo, muuzo, tsigere-doo, keelloo, suufo.

- ◆ Echeena'ona yesheti wocheena'on yechiti kette minnaakanneena'on malletee noonona konna gaachona.

Shaahiyoo

- » Bechee bungoon shunno.
- » Noofitoon shaayoona mamoo shunno.
- » Baatee kuwaaso kaayo shunno.
- » Doyee kexooch areddee shunaach.

Icheti doyee kaallo - 3

Doyee giddiyoo:

- ◆ Heechi doyoona aa'i madooch kooroona doychina'och qamini biriyoon gedo.
- ◆ Boono shunniibeetona shixxiibeeti mooyina'on shichooche degii'I malletee noonee biishoo xibiibee boono gaachemmo herechiyoo.
- ◆ Guttoochee awuddooch shaggimmi malletee noonee miho yechiti minnaa kanneena'on shemme boono digeneemmo herechiyoo.

- ◆ Tunehe, tuneyaache shunno, shunaach iibeeti malletee noonee mihoon gaache'i boonoshich giddemi echoon wochoo boono imo hakki-yeemmoch herechiyoo.

Dojje degee qiico

- » Shichoo.
- » Filaash kaareddo.
- » Malletee noonee mihee kicoo.

QOPPOO

- ◆ Doyechina'ò shichooch boono ciinni digeneton boono shunniibeetonaa shixxiibeeti mooyi-na'ochi shigoon malletee noonona tachii boono ariyoon echeebbe xiishoo.

- ◆ Doyehina' on awuddee malletee noonee mihoon yechiti echeena'ochi minnaakannoon shemmeeyee tatoona boono digenoon echoona xiishoo.

- ◆ Doyechina'òn tunehe , tuneyaache shunno , shunaach iibeeti mihoon malletee noonona tatee gommona gaache'ii boonoch giddemmi echoochoon wochoo boono hakkoon xiishoo.

HAAROO YIIXIYOO

SUUQEE MAAC AMO BEETE

Quyeebeeti daacheena'o

- » Doyechina'o hini doyooyee gubb suuqee maac kecheebeeti mooyina'ochi shigoon malletee noonona ariiheete . Wotta guttoon yechiti malletee noonee mihoon tate gommona gaachee'I minnaa kanno shuunoona gaachoonon hakkiyeete.

Sheqqee gabeena'o

Doyechina'o hini doyooyee gubb

- » Suuqee maac kecheebeeti mooyinaoch shigoon sheqqe'i malletee noonona biriyoo hakkiyeete.
- » Suuqee maac kecheebeeti mooyina'on indo tuniiti gutte malletee noonee miheena'on yechiti kette minnakanneena'ona boono biisheena'on shemme digeno hakkiyeete
- » Suuqee maac kecheebeeti mooyina'on indo tuniiti gutte malletee noonee miheena'on yechiti kette minnakanneena'ona boono biisheena'on hallonaa gaachoonon hakkiyeete.

BAQQO:

Qayoonaa duubona

- ◆ Suuqee maac kecheebeetina'ona kemeebeeti mooyina'ochi sheqqee' boono shigoon malletee noonona tate gommona gaacho.

Shaahiyoo:

Kiiho, shukkaaro, karamelloo, maastikoo, komado, noofito, sandelo.

- ◆ Suuqee maac kecheebeeti mooyinaonaa qiiceena'onon indo tunii'I kette minnakanneena'on malletee noonona tate gommona halloonaa gaachoonaa.

Shaahiyoo:

- » Shukkaaro beete?
- » Komadoo ambichoone?
- » Koppoo aalliye?
- » Koppoo beete? Bi gatiyoo ambichoone?

Icheti doyee kaallo - 3

Doyee giddiyoo

- ◆ Heechi doyoon aa'i madooch kooribe doyoon qaminona biriyoo.
- ◆ Doyee shimbo suuqee maac amo beete ? iibeeto tunetoch ebi doyee shimboon indo tunii'I dojjecho battibatt bi dojjiyeemmon maacci qannii'I doyechinaoch tate gommona biriyoo.
- ◆ Doyechina'o doyee aaf boonoch beeti ariyoon echee digeneechi ebin indo tuniyoona heechi do Yoon giiddiyoo
- ◆ Suuqee maac kecheebeeti qiiceena'on yechiti shiceena'on beekiibe boono biishoon malletoona boono gaacheemmoch herechiyo.
- ◆ Suuqee maac kecheebeeti mooyina'on kerimmi guttooche awuddooch shaggimmi malletee noonee miheena'on yechiti minnakanneena'on shichoona degii'I boono shemmeemmoch herechiyo.

- ◆ Suuqee maac kecheebeeti mooyina'õn kerimmi guttooche awuddooch shaggimmi malletee noonee miheena'õn yechiti minnakanneena'õn shichoona degiye boono shuuneemmona gaacheemmonoch herechiyo.

Dojje dege qiico:

- » Shichoo
- » Filaash kaariddo
- » Malletee noonee mihee kico

Qoppo

- ◆ Doyechina'õ shichoon ciinni boono digenetina'õn suuqee maac kecheebeeti mooyina'õch sheqqee boono shigoon malletee noonona biriyee boono hakkoon echoona xiisho.

- ◆ Doyechina'õn suuqee maac kecheebeeti mooyina'õn indo tuneti guttooche awuddooch beddimmi malletee noonee miheena'õn yechiti minnakanneena'õn shemmee digene boono hakkoon echoona qoppo.

- ◆ Doyechina'õn suuqee maac kecheebeeti mooyina'õn indo tunii guttooche awuddooch beddimmi malletee noonee miheena'õn shaahimmii minnaakannoo halloona gaache boono hakkoon xiisho.

HAAROO AASHIROO

TAHEENA'O

Quyeebeeti daacheena'o

- » Doyechina'o hini doyooyee gubb taheena'och shigoon malletee noonona barii'i ariiheete. Taheena'ochi shigoon indo tunii'i keemo yechiti malletee noonee miheena'on gaachee'i minnakanneena'on koconaa boono kuxonoo tuneba kechi maacoonoch qemi qemona shuuneebe tatoona gaacho hakkiyeete.

Sheqqe gabeenao

Doyechina'o hini doyooyee gubb:

- » Taheena'ochi shigeena'on malletee noonona biriyoo hakkiyeete.
- » Taheena'ochi shigeena'on indo tunii'I malletee noonona kooreeti minnakanneena'on shemmee'i digeno hakkiyeete.
- » Taheena'ochi shigeena'on indo tunii'I malletee noonona minnakanneena'on koconaa gaachoonaa hakkiyeete. Echoonaa wochoon imo hakkiyeete.

Baqqo:

Qayoonaa Duubona/Observing & signing

- ◆ Taheena'ochi shigoon malletee noonona tate gommona gaacho.

Shaahiyoo:

Shuro, shamiizo, qamiso, shuraabo, ... Gaaboo

Malletee noonona giddeeti taheena'ochi shigeena'on tate gommona digeneebe tate wochoon imo.

Shaahiyoo:

- » Aa'I shuro teach beete.
- » Shaamiizo shunneenne?
- » Eeha shamiizo shunno.

Icheti doyee kaallo - 3

Doyee gididiyoo:

- ◆ Heechi doyee shimboon aa'I madooch kooriichi doyoon qaminona doyechina'och biriyoo.
- ◆ Taheena'o immi shalligoo doyechina'och andiron tuno bi hakkiibeeti qoodooch hakkeemmi gommona kettii'i gididiyooch herecho.
- ◆ Heechi doyoona yeeshiyooch doyechina'ochi ebiyee aaf beeti malletee noonee ariyoon shalligooch giisheche echoon gididiyoo.
- ◆ Doyechina'ochi gooree malletee noonee ariyee daqqoon indo tunii'i heechi doyoon gididiyoo.
- ◆ Baribare taheena'on bekkiibeeti shichoon fi-laash kariddeena'on malletee noonona yeshiibe boono gaacheemmoch herechiyoo.
- ◆ Guttooche awuddooch beddimmi malletee noonee miheena'on gaachebe taheena'och beeti shalligeena'on boono hakkiyeemmoch herechiyoo.
- ◆ Bari bare taheena'ochi shigoon gaache'I malletee noonona koceeti minnakanneena'on wochi wochii bekkiibe koconaa gaachoonon boono hakkiyeemmoch herechiyoo.

Dojee degee qiico

- » Shichoo
- » Flaash kaariddo
- » Mallettee noonee mihee kicoo

QOPPO

- ◆ Doyechina’o shichoocha boono ciinniti taheena’ochi shigoon tachi mallettee noonona boono ariyoon echoona xiishoo.

- ◆ Doyechina’o tateti gommona taheena’ochi shigoon gaache’i awudde mihee mallettee noonee miheena’oñ yechiti kettoonaa biishechi minna-kanneena’oñ shemme boono digenoon echoona xiishoo.
- ◆ Doyechina’o tateti gommona taheena’ochi shioon gaache’i awudde mallettee noonee miheena’oñ yechitonaa ketoonaa biishechi minnaakanneena’oñ koconaa boono gaachee hakkoon qoppo.

HAAROO AARAA IKKO

TIRANISPOORITEE YAREENA'O

Quyeebeeti daacheena'o

- » Doyechina'o hini doyooyee gubb transpooritee yareena'on kerimmonaa qemi qemona no gaachaabeeti tiraanispooritee yareenaon kerimmi malletee noonoon gaacho hakkiyeete. Eboommon tranispooritee yareena'on indo tunii awuddo malletee noonee mihee'anon gaachee' i mashaamiti gommona minnaakanneenaon koconaaa gaachoonaa hakkiyeete.

Sheqqee gabeena'o

- » Shichooch boono ciinni digeneti tiranispooritee yareena'ochi shigoon sheqqe'I malletee noonoonaa biriyoo hakkiyeete.
- » Tranispooritee yareena'och koceeti awudde malletee noonee miheena'on yechiti kettoonaa biishechi minnakanneena'on shemmee digeno hakkiyeete.
- » Tranispooritee yareena'och koceet awudde malletee noonee miheena'on yechiti kettoonaa biishechi minnakanneena'on koco hakkiyeete.

BAQQO:

Qayoonaa duubona

- ◆ Tranispooritee yareena'on sheqqoona boono shigoon malletee noonoonaa malleteenaan mashaamimmi gommona gaacheheete.

Shaahiyoo:

Maco, kaameelo, Ayiropilaano, Baaburo

- ◆ Traanispooritee yareena'ochi toommoch koceeti kette minnaakanno'on malletee noonoonaa koconaa gaachoonaa.

Shaahiyoo:

- » Doyee kexooch baatoona waaho.
- » Kaameelo tranispooritooch gaacciye.
- » Maco baalageree daqqoona tiranispooritooch gaacciye.
- » Biskileete gasho shunno.

Icheti doyee kaall - 3

Doyee giddiyoo

- ◆ Heechi doyee shimboon aa'I madooch kooroonaa doyoona qamichii'I doyechina'och giddiyoo.
- ◆ Tranispooritee yareena'on doyechoch biriyoo.
- ◆ Showoo, aaconaa, ayeree tranispoorito geto amo geto gaata doyechina'och qaminona biriiheete.
- ◆ Ebi shimbee hinnoona doyechina'ochi shiichee ariyoon shiichi digenooch bari bare echeena'on echo.
- ◆ Doyechina'ochi wochoon indo tunii'I heechi doyee toommoch tachoo gedo qaawiimmo tunegaata tachoo.
- ◆ Tranispooritee yareena'on yechiti shicheena'ona filash kaariddeena'on malletee noonoonaa tachii'i biishoon boono ariyeemoch herechiyoo.

- ◆ Guttooche awuddooch shaggimmi malletee nooneena'õn yechiti minnaakanneena'õn shemme boono digeneemmoch herechiyoo.
- ◆ Tiraanispooritee yareena'õna boono shigoon indo tuniiti malletee noonee miheena'õn yechiti minnaakannoon koconaa gaachee hakkoonon herechiyoo.

Dojje degee qiico

- » Shichoo
- » Filaash kaariddo
- » Poostikaariddo, Kaallndero
- » Poositero
- » Malletee noonee mihee kicoo

QOPPOO

- ◆ Doyechina'õ shichooch boono ciinniti traanispooritee yareena'õchi shigoon tachii malletee noonona boono ariyoon echoona xiishoo.
- ◆ Doyechina'õn tiranispooritee yareena'õ toommoch koceeti awudde malletee nooneena'õn yechiti kettee biishechi minnaakanneena'õn shemme boono digenoon echoona qoppo.
- ◆ Doyechina'õn tranispooritee yareena'õ toommoch kocheti awudde malletee nooneena'õn yechiti kette biishechi minnaakanneena'õn koco boono hakkon xiishoo

HAAROO AARAA GUTTOO

OUGE NACCE HARESHOO

Quyeebeeti daacheena'o

- » Doyechina'o hini doyooyee gubb mooyinaochi qeddoonaa qecheena'onon oogii-shoon indo tunii'i mallettee noonona biriyoona gaachoonon hakkiyeete. Eboommon wodditinoona yareenaonon kerimmi uuche mallettee noonee miheenaon gaachee'i minnaakanneena'on koconaa boono beemi kexooch qemi qemona gawaatee toommoch mallettee noonon mashaamiti gommona gaacho hakkiyeete

Sheqqee gabeena'o

Doyechina'o hini doyooyee gubb

- » Mooyina'ochi qeddoon , qeconaa oogii-shoonon indo tunii'i mallettee noonona koceeti minnaakanneena'on shemme'ii digeno hakkiyeete.
- » Qaxereena'on , haddeena'on shaahiye biriyee'na'o tuneti mallettee noone'na'o n gaachee'ii gaboon biriyoo hakkiyeete.
- » Mshaamiti gommona woddon, oogii-shoonaa qeddoonon biriibeeti mallettee noonee miheena,on gaache minnaakanneena'on koco hakkiyeete.

BAQQO:

Qayoonaa Duubona

- ◆ Qeddoonaa haddoonon mallettee noonona mashaamimmi gommona gaacho.

Shaahiyyoo:

Cello,aa'o,mocero, keellesho, naccoo, diibeno, ikkoo, guttoo, keemo,uuchoo,..... dab mallettee noonona giddeti qaxereena'ona, haddeena'onon mashaamimmi gommona digeneechi tato tuneti wochoon imo.

Shaahiyyoo:

- » Ooge hareshoo.
- » Ooge nacce hareshoo.
- » Gutte ogooge haresheena'o
- » Ambichee komadoo beete?
- » Am shaahe macooniye ne shunnaabeeto?
- » Nacce maco shunno.

Icheti doyee kaallo - 3

Doyee giddiyoo:

- ◆ Heechi doyee shimboon aa'I madooch kooroonaa doyoona qamini gommona doychina'och biriyee gedo.
- ◆ Mooyina'ochi qaxeroon, qeconaa oogii-shoonon bekkimmi shichoon woyee filaash kaaridoon mallettee noonona yeshii biishoon herechiyoo.
- ◆ Guttooche awuddooch shaggimmi mallettee noonee miheena'on indo tunii koceeti minnaakanneena'on shemme boono digeneemoch herechiyoo.

- ◆ Guttooche awuddooch shaggimmi malletee noonee miheena'ón indo tunii kocoeti minnaakanneena'ón koconaa gaachoonon herechiyoo.

Dojje degee qiico

- » Shichoo
- » Filaash kaarido
- » Poostikaarido, Kaalaandero
- » Poostero
- » Malletee noonee mihee kicoo

QOPPOO

- ◆ Doyechina'ón bari bare mooyina'ón boono qaxeroona, qecoonaa ooggiishoona tatee gommona malletee noonoon boono ariyoon echoona xiisho.
- ◆ Doyechina'ò qaxeroon, haddoon biriimmi malletee noonee miheena'ón tateti gommona boono digenoon echoona xiishiyoo.
- ◆ Doyechina'ò bari bare mooyina'ón boono qaxeroona, qecoonaa ooggiishoona tatee gommona malletee noonoo biishechi minnaakanneena'ón koco boono hakkoon kaall kaallona echeebbee xiishoo.

HAAROO AARAA KEEMO

BAAREENA'O

Quyeebeeti daacheena'o

- » Doyechina'o hini doyooyee gubb shiishee baareena'ona yeshechi moochi wocheena'on digeno hakkiimmi mallettee noonee miheena'on barii ariiheete. Eboommon shiishee baarona wocheenaon mallettee noonona gaawuchi digeneechi kuxonaa kechi maacoonoch qemi qemi gawaatee toommoch mallettee noonon tatoonaa gaacho hakkehe. Daakkoona keemooche uuchooch mallettee noonee miheena'on yechiti minnaakanneena'on tateti gommona koconaa gaachona hakkehe.

Sheqqe gabeena'o

Doyechina'o hini doyooyee gubb

- » Shiishee baareena'ona yeshechi mooyina'on mashaamimmi gommona mallettee noonon gaache kocheti minnaa kanneenaon shemme digeno hakkiyeete.
- » Tateti gommona shiishee baareena'ona yeshechi mooyinaona indo tunii mallettee noonona qanniti echee minnakannoon shemmechi tatee wochoon mallettee noonona wochoo hakkiyeete.
- » Tateti gommona shiisheena'an yesheti mooyinaoch indo tunii mallettee noonona echoona minnaakanneena'on kupphiyoo hakkehe.

BAQQO :

Qayoona duubona

- ◆ Shiishee baareenanaa yeshechi mooyinaon kerimmi mallettee noonee miheena'on tatee gommona digeno.
- ◆ Shiishee baareenanaa yeshechi mooyina'on kerimmi mallettee noonee miheena'on gaache'ii tatee gommona minnaakanon koco.

Icheti doyee kaall - 3

Doyee giddiyoo:

- ◆ Heechi doyee shimboon aa'I madooch kooriichi doyoon doyechina'och qaminona giddiyoo.
- ◆ Dojjechino hiniye desh icheti shemmeshee kuxon doyechina'och shemmechi Topphiye maac baarebeeti showee tiqqoona maccee baarenao aaboshi gaata mallettee noonona gaawichi biriibona.

Shemmeshee kuxo

No showee Topphiye battibatti ashi bushee dane xaa'eene.biicho tuneti gooree haddechine. Ebiyee wotta aagetee daggooch ahsi bushee beemoch mashaamiti showeena'o daggooche ikkeene. No showee Tophiye wodge biin bariibeeti mooyon yechetine. Bare showoona hajjiyaani mixxe showee bi tunetoch woddoon macecikkiyaan, aagetee toommooch beeti aa'i qeddech macceena'och geecoo tunetan. Shinnaa uuchooye damba tuneti shooddee shiisheena'ochi baribar gibeneena'on, shunoona, ikkittinoonaa iibaaree beeti showee bi tuno biin bariibeeti mooyooche ikkoone. Hini ooge gaawe showee daggooch wodge nati natona baarebeeti macceena'ona showee tiqqe baareena'o beeteete.

- ◆ Macceena’ona showee tiqqe baarena’o geto ama geto gaata boonoshich beeti ikkittinnoona barittinnoonon doyechinaoch mallette noonoo-na biriyyoo.
- ◆ Doyechina’o ebiyee aaf macceena’ona showee tiqqe baarenaonon boono ariibeeto gaata mallette noonona boono biriyeemmoch kuphiyyoo.
- ◆ Doyechina’o boono immiti wochoon indo tuniyyee doyee baqqe toommooch shaddoo qaawiigaata tuniyyoo.
- ◆ Baribare showee tiqqe baarenaonaa ebina yesheti moosheena’on kerimmi shicheena’on,- filaashkaariddeena’ona post kaariddeena’on, eboommon kaalaanddereena’on doyechina’och bekkiibe maallette noonona tookki yeshii’I boono biishoon gaawichi boono digeneemmoch herechiyyoo.
- ◆ Baribare showee tiqqe baarenaonaa ebina yesheti moosheena’on kerimmi guttooche awuddooch beddimmi mallette noonee miheena’on indo tuniitaa halleeti minnakanneena’on doyechina’o digeneemmoch shaahiyeena’on wochi wochi bekkiibe herechiyyoo.
- ◆ Baribare showee tiqqe baarenaonaa ebina yesheti moosheena’on kerimmi biriyyee mallette noonee miheena’on doyechina’o tatee gommona minnakanneena’on koconaa gaachoonon boono hakkiyeemmoch doyechi koorice toommooch giddeti doyicheena’on boono shuuneemmo tuniyyoo.

DOJEE GAACHE QIICO

Baribare showee tiqqoonaa macceenaochi baarena’on kerimmi

- » Shicheenaon
- » Filaashkaariddeena’on
- » Poostkaariddeena’on
- » Kaalaandero
- » Poosttero
- » Mallette noonee mihee kicoo

QOPPO

- ◆ Doyechina’on shichooch, poostterooch, kala-anderoonaa poostkaariddonoch boono ciinniti baribare showee tiqqe baarena’ona ebina yesheti moosheena’on ebiyee wotta boono biishoon tate gommona mallette noonona boono gaache hakkoon echee xiishoo.
- ◆ Doyechina’on tate gommona showee tiqqe baarena’ona ebina yesheti moosheena’on indo tuniyye mallette noonona qanniti echee minnakanneena’on shemmee boono digeenoona koco boono hakkoon qoppo.
- ◆ Doyechina’on tate gommona showee tiqqe baarena’ona ebina yesheti moosheena’on indo tuniyye mallette noonona echee minnakanneena’on koconaa wochoon wochee boono hakkoon xiishoo.
- ◆ Doyechina’on tate gommona showee tiqqe baarena’ona ebina yesheti moosheena’on indo tuniyye awuddechi mallette noonee miheena’on yechiti kette biishechi minnakanneena’on boono koconaa gaachoonon qoppo.